

茅不鬆不繪園蔬幾色灌木兩行忠節講學子解元化麟下
帷之所天啟時璫禍起忠節以館海內清流投止者茅元儀

題曰北海亭作記戴明說加乾坤二字

府志明茅元儀記有亭巋然江村草堂

之後而知止居之傍覆以茨塗以聖棟柱檼楹以及薄櫨宋
櫨靡不曲弱不中程橈櫓以爲恒僅僅蔽風雨而長江大河
之南北靡不仰而頌曰此北海亭也創於侍御公以之訓伯
順寒暑燥溼於是者三十年成進士去伯順又以誨其子石
卿石卿寒暑燥溼於是者又幾三十年舉天啟辛酉畿內第
一人當吾鄉魏子孔時爲行人時嘗策蹇訪伯順於江村館
於是時有唱和吟詠傳於時是時石卿猶爲諸生伯順亦郎
民部及石卿膺鄉薦伯順同余參高陽公軍事石卿往來於
遼亭遂官無人而行人爲給事中數年矣逮於璫其子敬
行乞過伯順伯順之太公復館之於是子敬日夜號太公爲
不食也而所逮左中丞之弟若子亦繼館焉伯順抗時歸周
吏部之客諸生以吏部逮過謀於伯順亦館焉當是時璫有
最暱豎後雉以殉者曰李朝欽家亭之左不數百武而司調
事凡諸君子之逮皆有力焉惡其庇之者屢欲以中伯順而
天竟弗與也使璫禍猶未解無論張儉之壁終破北海覆巢
豈待孟德哉余幸不死於璫而爲頌璫者所厄復偃於其中
者三載嘗爲范陽烈士詠有曰奮腕招義徒傾家競相從張
儉徒壁藏箕踞笑孔融轉車未出門累囚已及宮張儉徒一

畿輔通志

卷一百六十一

古蹟略 署宅二

七

人孔融易爲功天下之頌北海亭者其歌之 又詩云忍見
霜管照碧銅雙顰猶暈昔時紅又將楚紀懸牛角謾說天漿
下馬鬢士論不煩推怒虎我悲垂老載非
熊莫言憂患終間適雞塞壇高憶此中

看花臺在河內村元至元間萬戶張宏範遊觀之所宏範一

門葬河內村世稱平章墳

縣志

雙桂堂在縣境

同上 明薛瑄雙桂堂記山西憲副定興李

同中天順三年順天府鄉榜復家居以俟禮闈大廷之試文

英因作堂名曰雙桂俾二子居以日進其業天順六年冬十

一月文英調陝西憲副道過余於河汾因語以名堂之意且

求爲之記余惟桂乃木之美者也文英以雙桂名堂蓋以比

二子欲其盡知行之功以美其身耳夫人爲萬物之靈欲盡

知行之功以美其身亦惟求諸經與大學語孟中庸以及濂

洛關閩聖賢之書所載大訓格言學問思辨致知格物則可
明其理躬行約禮誠意正心則可履其事爲翔鳳者以是自
勉以率其弟爲鳴鳳者以是自勵以企其兄兄弟篤於知行
之正學沉潛翫索勇猛精進勤修於一堂之上仰追千古之
賢至於用力之久積累之深將於身心萬物之理庶幾昭灼
無疑於是體而踐之自人倫之大以至事物之微靜存動察
皆以一敬貫乎其間則知焉行焉將兩盡而可美其身則所
蘊者磅礴深厚由是發而爲文辭皆自所蘊中流出他日試